

D. SIGISMUNDI SCHMIEDERI,
Academ. Carolino - Imperial. Naturæ Curiosorum
Socii, & Practici Lommacensis,

SCHEDIASMA


Curiosum Pathologico-Medicum

De

POLYPO OESOPHAGI VERMI-
FORMI RARISSIMO,

â

Quotidiano Pulveris sternutatorii Hispanici, vulgò
Spaniol / abusu progenito,
cum figuris æneis.



DELITII

Apud CHRISTIANUM VOGELGESANGIUM, Typogr.
M DCC XVII.



J. J. PROOEMIUM.



Er varios casus, per tot discrimina rerum, eripimur terris. Omnes unum hanc in vitam habemus ingressum, diversum verò atque varium ex ista egressum. Omnes una manet mors, sed mille dantur viæ, per quas ad eam mortales ducuntur. Mille pereundi toto obveniunt die modi, & iisdem sæpiùs illum gelida abripit & suffocat aqua, aut insani maris absorbent fluctus; istum immanis dilania fera ac miserè discerpit; huic exitio palea existit futilis, vel alia res vilissima nulliusque momenti; illi insperatò vitæ terminum abbreviat herba lethi fera aut culex

abjectus; isti nullius pretii acicula mortem inopinato affert: hunc porro terribile prosternit fulmen; illum domus vel murus conquassat corruens, aut terra dehiscens magno cum ejulatu ad inferiora trudit; istum latrones in via trucidant crudeles, miserandumque post se relinquentes spectaculum: huic vitæ filum tacitè dissiuit fucosa & improba *Venus*; illi ignem vitalem extinguit immoderatus *Bacchus*; isti saliens sub inextinguibili pectore flamma, *ira* nempe æstuans atque memor, cito affert interitum. Multos interimunt morbi chronici; multos acuti; multos denique leves initio, imo pro levissimis habiti, morbi omnem præter spem atque expectationem, viventium numero exturbant exterminant atque ejiciunt. Adeo pauci, imo paucissimi, naturali moriuntur morte! Qualia multiformis vitæ humanæ exitus exempla suo in *Theatro Tragico* Dn. *Adami*, dictus *Misander*, copiosè congeffit, omnibusque securè viventibus ob oculos pensitanda posuit. Quibus jure meritoque annumerandus venit præsens casus, oppido curiosus ac rarus, cujus sequentem in modum se habet.

HISTORIA MORBI.

Caupo quidam in pago Possewitz prope Pirnaviam, Johann-Gottfr. Große, vir annum 43 agens, temperamento sanguineo-phlegmatico, habituque ad cacochymiam admodum proclivi, ac sat notabili corporis mole gaudens, mirumque in

modum pulveris sternutatorii Hispanici, vulgo Spaniol/ deli-
ciis effasciatus, anno 1714 circa tempus vernale dolorem
quendam urentem, a nimia dicti pulveris aliquando facta per
nares attractione, in medio œsophagi persensit, inopinatoque
non ita multo post deglutitionem nonnihil animadvertit impedi-
tam. Quam obrem, auxilium quærens, Medicum quendam
convenit, & de dolore, nunc quidem sopito, at in deglutitionis
impedimentum mutato, queritur, cujus affectus causam in pi-
tuitosa quadam ac viscida materia, interioribus œsophagi par-
tibus adhærescente, Medicus ponens, convenientia pro ista inci-
denda, resolvenda atque educenda, agro præscribit remedia,
irrito tamen successu maloque in dies indiesque adhuc ingrave-
scente, Hinc ager nihil levaminis percipiens ad alium se con-
fert, ejusve opem implorat, simulque affectus causam, infra
suo loco paulo specialius reddendam, sibi probabilem, ipsi refert,
quam verò hic flocci aestimans, aliamquæ subesse asserens, agro
remedia, pro, nescio quo, acido, spasmodicam hanc fibrillarum
affectionem generante, corrigendo atque eliminando, equidem
exhibet; at iterum absque successu sperato. Nullum igitur se-
cunda vice effectum salutarem, hætenus tam anxie exoptatum,
ager observans, in auxilium rursus vocat alium, & quidem
medicæstrum rusticum, qui, prioris vestigia legens, pituitosam
acremvè materiam genuina ac verissimam hujus impeditæ
deglutitionis liberioris existere causam, pariter pro re certissi-
ma asserit, certo citoque, ut impudens id hominum genus, gra-
vi animadversione utique dignum, solet, impedimentum hoc
se se ablaturum, deglutitionemque liberiores redditurum, cer-

tissimè pollicetur. *Varia hinc agro porrigit, quorum usus, insignis licèt pituitæ copia fueriteducta, planè denuo fuit inanis atque nullus, cum ne minima levaminis cujusdam pars agro inde fuerit allata.* Deferens ergo & hujus hominis vani medelam æger, naturæ & tempori sese tantum committere animum induit, sponteque sua fors hoc malum iterum cessaturum firmiter sperat. Interim verò *Peniculum Ventriculi, vulgò die Magen-Börste* / remedium illud barbarum, de quo multa hætenus inaudierat, consulit, istud applicat, ejusque ope sat notabilem equidem educit pituitosæ materie copiam, nullo tamen inde subsequente levamine. Ad quæstionem, num ex applicatione peniculi senserit dolorem? respondit: eum quidem se non sensisse, interim tamen difficilem, imò in ventriculi cavitatem ejus penetrationem haud possibilem, ob quoddam in gula obstaculum perceptum, plenarium peniculi ingressum prohibens, fuisse. Paulo post, loco superati effectus salubris, magis magisque malum augeri animadvertit patiens, adeo, ut solidatandem alimenta haud amplius assumere valeret, sed liquidis tantum, e.g. lacte, juscule avenaceo tenui &c., famem sedare corpusque valde jam emaciatum nutrire cogeretur. Imò tantum hic affectus demum sumsit incrementum, ut recensita jam liquida tenuia libere exinde deglutire haud valuerit, sed mediante calamo stramineo ista absorbere necesse habuerit miser. Quamprimùm enim paulò liberius largiusque ea sorbere voluit atque deglutire, ea statim cum sonitu regurgitarunt præsentaneum agro suffocationem minitata. Tandem hic, de cetero sanus, liberaque respiratione gaudens, denuo Medicicujus

jusdam auxilium implorat, petitque, ut sibi suppetiæ ferantur. Hic, in affectus hujus admirandi causas occasionales paulò curatius inquirens, variaque ex eo quærens, alia inter quoque ea, de quibus superius jam nonnihil fuit adductum, audit: agrum nempe nimis in usum vocasse pulverem sternutatorium, eundemque dubio procul miserandi hujus mali primam extitisse causam occasionalem. Et, quo evidentior veriorque causa hæc appareat, factum fuisse refert ager, quo pulvis hic, præsertim siccissimus summeque volatilis, corpore aliquando calefacto, & sudoribus probè diffluente, naribus copiose intrusus, fortiterque inspiratus, non solùm in asperam arteriam, verùm etiam in fauces & gulam usque, penetrarit, tusim, eamque frequentem & molestam, nec non in gula ardorem, unà cum dolore primùm obtuso, sanguinisque sputo, excitavit. Ex quo tempore statim dolorem haud lenem, & hoc evanescente, deglutitionis impedimentum, fuisse exortum, ulterius confessus est ager, sanctèque affirmavit, nunquam in vita simile, nec etiam vel levissimum, in œsophago percepisse deglutitionis impedimentum. Hæc omnia Medicus percipiens, excrescentiam quandam cartilagineam, ex læsione œsophagi obortam, adesse, agrumque in extremo vitæ periculo constitutum, pronunciat, cuius terminum, inevitabile nunc fatum, cui ager solùm relinquendus erat, accelerare visum fuit. Ob nutritionis enim debitæ defectum corpus obesum adeo fuit extenuatum, ut magis τὸ σκελετὸν, quàm vivi hominis, faciem repræsentarit. Ultimo liquidorum etiam ne guttulam quidem assumere amplius potuit, quo venit, ut post aliquot dierum spatium, mense Aprilis

li

li anni 1715. fame sitique incredibili emaciatus fractusque miserè tandem perierit. Cadaver quo aperiretur, causaque tam stupendi affectus detegeretur inque lucem protraheretur, vivens adhuc ager petiit, hac tamen conditione, ut absque sumtibus sectio institueretur, quod etiam ita factum fuit. Aperto itaque decenter nunc cadavere, ventriculus A in fig. 4 partesque internæ, a statu naturali adeo remotæ non fuerant inventæ, excepto tantum œsophago, qui a B usque ad C nonnibi contortus & pharyngem versus solito tenuior atque acuminatior apparuit, & quidem adeo, ut ejus apertura, alias sat ampla, vix pisum admittere fuerit visa. Quo autem, quæ intus forte laterent, nunc quoque luci exponerentur, ille incisus fuit, quo facto, ad omnium stuporem conspectui præsens delineata sese stitit insignis excrescentia carnea, per medium Fig 1 & 3 ddd divisa, quæ in media œsophagi parte, eaque postica quæ spinæ dorsi adjacet initium (circa quod aliquid cujusdam materie, cruoris inspissati ad instar, cernebatur) sumens, ad pylorum usque sese ferè extendens, longitudine spatium sex digitorum transversalium, crassitie vero lumbricum insignem, tantam in α quam in β , æquabat, cujus etiam faciem aliquo modo mentiebatur. Substantia hujus excrescentiæ (interdum CCC plcata, ut ex fig. 3 patet,) rectius polypi, erat carnosofibrillosa atque mollis, color verò ex albo rubicundus. Cultro Anatomico, & quidem facillimè, cum vel digitorum jam attactui cederet, auferebatur polypus sic rarissimus, quo ablato, pedes ejus vel potius radices, quibus in gula substantiam se insinuaverat, in conspectum veniebant, quarum vestigia bb ob nimiam

am suam brevitatem, multo elegantius in oesophago aperto, quam ipso in polypo, utpote qui arte interiori adhærebat tunica, conspici poterant, uti ex fig. 2. luculenter patet. Et sic impedita deglutitionis mortisque misera causa, de qua nemini hætenus quicquam ferè in mentem venerat, detecta nunc conspiciebatur, dignaque judicabatur, quæ rarioribus Medicorum Observationibus insereretur, publiceque proponeretur.

Talis itaque fuit viri hujus in optimo adhuc ætatis flore constituti lamentabilis vitæ exitus. cui procul dubio longius vitæ filum ducere fuisset concessum, diatam si servasset debitam, atque a nimio pulveris hujus usu provide se temperasset, ac in tempore, hoc est, in principio statim, oesophago adhuc dolente & sputo cruento nondum cessante, valetudinem suam ritè indicasset. Tantum refert in tempore venire, quod omnium est primum! Cum verò omnis morbi vera cognitio dimidiam, ut verissime dicitur, curationis absolvat partem, quæ in nostro, ut videtur, neglecta fuit, nemo etiam miretur, erroneam inde curationem, mortemque demum, ob malum inveteratum & ἀδυναμίαν curandi, exortam fuisse atque secutam. Hinc οἱ Ἰητροί, ait HIPPOCRATES de Morbis Mulier. Lib. I. p. 615. edit. Foës, ἀναρτάνουσιν ἐν ἀτρεκέως πυνθανόμενοι τὴν πρόφασιν τῆς νόσου; & paulo post: Χρὴ ἐν ἀνερωτῶν ἀντὶ ἀτρεκέως τὸ αἴτιον. Sed, quis polypum heic latuisse diu inare potuit, nilas in naso præcipue ac corde nidulantem? Ita autem profectores sese habet circa ea mala, interius latentia visumque nostrum plane subterfugientia, præsertim, cum sapissime sub alterius morbi facie nobis illudant, cujus illusionis exempla e multis in præsentem esse possunt: Abscessus Latens, vid. celeberrimi STAHLII Dissertat. de Hæctica Febre, abscessuum internorum comite; Malum Hypochondriacum & Scorbutus, in Christ. Johann. LANGII Opp. Medicor. Theoretico-Præctic. P. II. cap. V. §. 14. p. 33. & cap. VII. §. 4. p. 38. Passio Hysterica in SYDENHAMII Dissertat. Epistol. p. m. 487, Ejusque Processib. in Morbis ferè Omnib. Curand. p. m. 718, qui etiam evolendi in Append. ad Ephemer. Medico-Physic. Academ. Leopoldino-Imperial. Annum X. Decur. II. p. 143, ubi de Affectione, in fœminis, hysterica, maribus, hypochondriaca dicta; & Polypus Cordis in Michael. Bernh.

Fig. 1.



Fig. 2.





Fig. 3.



Fig. 4.



VALENTINI Pandect. Medico-Legal. P. 1. Sect. III. Casu XX. p. 344, 346, 349, 357 & 364., nec non Praxi Medica Infallib. p. 196. seqq., item in ZITTMANNI Medic. Forens. Casu XXCIIX. p. 1367, 1369, & 1372. seqq.: Qui morbi, quantis se sub larvis sæpius occultent, ex *Scriptis ac Opp. jam allegatis*, pluribusque Medicorum celeberrimorum Observationibus, constat, & diligenti prudentique Practico obscurum esse nequit. Sic de *polypo cordis* quodam, polypo multabiliore, prolixum ac memorabile consignavit exemplum jam jam laudatus D. Mich. Bernhard. *Valentini in Praxi Infallib. allegata*, ubi polypus ille ad modum curiosus, schemate asthmatis convulsivi cum cordis palpitatione indutus, omnibus imposuit Medicis, cui larvam postea, omnium cum admiratione, cadaveris detraxit sectio. Unde clarissimè patet, quod Medicus prudens non statim huic vel illi morbo, obscure se prodenti, vel sub alius facie apparenti, fidem habeat, sed quàm diligentissimè in ejus ludificationes inquireat, cum & in Praxi Medica etiam illud: *Qui facilè credit, facile jam decipitur*, obtineat. Quapropter prudenti diffidentia & perscrutatione indefessa Medico opus est, in primis, ubi signa debita non omnia ad sunt, nec remedia, alia certissima probatissimaque, effectum suum edere observantur salutarem. At enim verò, hoc opus hic labor est! Debitis ergo & necessariis requisitis, iisque tam Medicis quàm Philosophis, & judicii præsertim practico exquisito, decenter sit instructus ille, verum hic a fallaci discernere cupiens. Sed agendum est, cum plura persequi, tum Historiæ tum Procemii magnitudo prohibeat, ut ea exponamus & proferamus quæ exorsi sumus. Quare ad propositum nunc veniemus & in eo, quantum fieri poterit, præmissa Definitione nominali & reali, atque Divisione generatim in polyporum subiecta, speciatim verò in nostri locum natalem, quem descriptum dabimus, inquiremus: Deinde rerum non nil in genere Polyporum causas delibabimus, speciatim verò præsentis occasione ac proximam scrutabimur; ac denique quarto phænomena nonnulla, adjectis quibusdam Quæstionibus, ex Historia Morbi extrahemus, cave quinto soluta dabimus atque explicata. Tu vero,

*O Decus! o vita merito pars maxima nostra! Virgilius
Georgic. Lib. II. v. 40. p. m. 56.*

*Summe Deus! ventum lenem da vela patienti! Idem verum
su 41.*

Da facilem cursum, nostris nunc annue cœptis! Idem

Lib. I. v. 40. p. 36.

Atque ostende viam, propius res aspice nostras! Idem

Æneid. Lib. I. v. 530. p. 136.

Tuque adeo votis jam nunc adſvesce vocari! Idem Georg.

Lib. I. v. 42.

SECTIO I.

Definitionem Nominalem & Realem atque Divisionem exhibens.

§. I.

Cum primis jam Artis nostræ salutaris ætatibus in usu fuerit solenni, notitiam ante omnia accuratius cognoscere usum, quo res, quarum notitia acquirenda erat, eo facilius paterent, Majorum nostrorum vestigia dum lego, a scopo haud me aberraturum arbitror, in præsentis Dissertationis limine, si de istius Rubricæ significatione non nihil fuero sollicitus. Scribit equidem Dn. Anton. REIES in Dissertat. de Affectib. cum Hemorrhag. Uteri connectionem habentibus, Argentorati mense Januario anni 1715. habita: (*) senescire, quam vim in vocibus quidam querere soleant, cum parum inde utilitatis ad Medicas redundet, & hac Vocum evolutio non tam ad forum Medicum, quàm potissimum Criticum, spectet. Sed quis non videt, hæc verba tangere scarabæos criticos, qui nulla necessitate sæpius vana ejusmodi verborum aucupia intituunt, quisquillasve tales iuutiles magno cum susurro & labore congerunt. Usus habet laudem, crimen abusus habet. Nec Medici etiam sanâ Criticâ carere possunt, quod multis exemplis ac testimoniis, si instituti ratio

B 2

tio

(*) Dissertationem banc Inauguralem servus quidam chirurgicus, homo literarum & morum plane rudis, mense Junio jam dicti anni, non sine Illustris Facultatis Medicæ Exffurtenſis, verique Dissertationis Autoris, ignominia, turpi conatu, clam nempe ac furtive, sub suo nomine, adjectis multis Carminibus gratulatoriis, imprimi curavit, eandemque pro suo labore publicè venditavit, uti hoc testantur Acta Inquisitionalia in Curia Pirnaviensi.

tio permetteret, probatum & confirmatum dari posset. Philatri enim non tantum pilulis, pulveribus atque tincturis, adstringendi sunt, longe plura certe istos scire oportet. Verum, revertamur unde dilapsi sumus. Descendit Πολύπους, Jonice & Dorice πάλυπος vel πάλυψ, à πολὺς, ὅ & πᾶς, ut ita vi Vocum *Polypus* idem sit quod *Multipes*, ac rem quandam multis pedibus instructam, in sensu autem Medico excrescentiam in corpore humano p. n. carnofo-fibrosam, multis radicibus, tot quasi pedibus, quibus adjacentes arripit partes, easve iisdem firmiter tenet, donatam, denotet. Unde etiam *Polypodium* (quibusdam *Draco* dictum, Germanice ob innatam dulcedinem *Engel-Süß*, *Süß-Wurzel*, vocatum) multis radiculis, pedibus, quasi minusculis præditum, quibus in saxorum fissuras, quercuumque partes vetustate corruptas, sese insinuat, easque firmiter prehendit, nomen accepisse videtur. Celeberrimus *Georg. Hieron. VELSCHLIUS* in pereleganti ac eruditissimo suo *Tract. de Vena Medin.* conscripto, pag. 110. polypodium quod annosis innascitur quercubus, pro excremento morbofo habet, quando ita scribit: *Imo, nec polypodium, quod supra draconem quibusdam dictum animadvertimus, quamvis sui generis sit planta, aliud quam morbus quidam annosus quercus videtur, quemadmodum & viscorum species, radicibus nodosis & curvatis dracunculis haud absimiles.* Quam vere hæc asserantur, perpendant Botanici ac Historiæ Naturalis scrutatores.

§. II.

Alii excrescentiam hanc carneo-fibrosam nomen suum a polypo pise accipisce volunt, idque non tantum ratione multarum radicularum & pediculorum, quibus hic instructus dicitur, iudicio D. Mich. ETTMÜLLER Colleg. Pract. Lib. II. cap. V. artic. II. in Tomo Opp. II. pag. 361. edit. Westphal., se etiam ratione similitudinis substantiæ carneæ, ejusve mollitiei atque tenacitatis pedum, dum omne, quicquid iisdem arripit, firmissime tenere fertur, unde etiam *PLAUTUS* in *Autular.* istos homines, qui & rapaces sunt atque tenaces, cum polypis non ineleganter comparat, inquit: *Ego istos novi Polypos, qui, ubi quicquid tetigerint, tenent.* Ex quo loc porro videmus, quod hoc vocabulum, Græciæ licet suas debeat origines in Latium tamen sit receptum, uti ex *Horatio*, *Ovidio* aliisque patet auctoribus Latinis. Sic *HORATIUS* *Epod. XII. versu 4. sequ. p. m. 128.* polypi morbis in verbis mentionem injicit:

Namque sagacius unus odoror,

Polypus, an gravis hirsutis cubet hircus in alis;

Et Sermone. Lib. I. Sat. III. versib. 38 - 40. p. 148. sequ.

amatorem quod amica

Turpia decipiunt cecum vitia; aut etiam ipsa hæc

Delectant; Veluti Balbinum polypus Agnæ.

Verum, apage sis turpis amator! habeas tibi colum has dapes, quibus ap-
prime conveniunt illæ, quas *Manerc. Scaurus*, Consul Romanus, dicente
SENECA de Benefic. Lib. IV. cap. 31, avide ore hiantes excepit atque deglutivit.
At enim vero redeamus iterum ad rem. Undecunque autem malum hoc, si-
ve à convenientia cum polypo pisce ratione substantiæ istius, sive a pedum
multitudine eorumque vi, rem apprehensam firmiter retinendi, (quod ul-
timum assertum priori videtur probabilius) suum acceperit nomen, diu-
tius tamen circa ejus evolutionem, moram ut necliam, opus non videtur,
hinc ad Polypi descriptionem pergens, dico, quod ille sit *variarum corporis*
humani partium excrescentia præternaturalis, ut plurimum carnea vel carno-so-fi-
broso, mollis, indolens, rubicundo aut incarnato colore imbuta, multisque radicibus
instructa. Hæc descriptio, cum & nostræ excrescentiæ oesophageæ com-
petat, jure meritoque etiam ratione substantiæ, coloris & configurationis,
Polyporum in classe collocanda venit.

§. III.

Cum vero experientia frequens edocuerit, omnem polypum non semper
unius ejusdemque substantiæ, coloris atque mollitiei, esse, studio in descri-
ptione nostra *ut plurimum* fuit additum. Aliquando enim polypus, ra-
tione coloris, ætatis, substantiæ, qualitatis, quantitatis, sensationis, non sem-
per unus idemque deprehenditur, nec in uno eodemque invenitur loco;
unde variæ ejus apud Practicos exortæ fuerunt differentiæ atque divisio-
nes. Sic v. g. ratione *coloris* dispescitur in album, rufum, incarnatum, pal-
lidum & lividum; ratione *substantiæ* in fungosum, carnosum, carno-so-fi-
brillosum; ratione *ætatis* in recentem & inveteratum; ratione *qualitatis* in
benignum, malignum & cancrum; ratione *quantitatis* in parvum, ma-
gnum, mediocrem; ratione *consistentiæ* in mollem, durum, cartilaginofum;
ratione *sensationis* in dolentem & indolentem. Vide *PAREI Opp. Chirurg.*
Lib. VII. cap. II. p. m. 232, SEBIZII Spicil. Medic. Pract. T. I. P. II. Sect. VII.
cap. 4. aliosque. Denique dividitur polypus ratione loci & proprii domi-
cili in superiorem & inferiorem, ac in polypum cordis, cuius hinc & inde a-
pud

pud supra allegatos Valentini & Zittmannum aliosque Practicos occurrunt exempla, quorum quinque ego ipse recordor; in polypum *bronchiarum* & *tracheæ*, cujus exemplum refert *Eduard. Tyson in Thoma BARTHOLINI Actor. Hafniens. Volum. V. Observat. 30. pag. 94. seqv.*; in polypum meningum cerebri, cujus inter alia mentionem injicit celeberrimus *Johann. Jacob Harderus in Ephemer. Medico-Physic. Academ. Nat. Curios. Anno I. Decur. II. Observat. XXXV. pag. 95.* in polypum *Oesophagi*, cujus non nisi præsens mihi notum est exemplum; & demum in polypum *narium*, cujus proventus non admodum rarus observatur, unde etiam tam variæ ejus divisiones sub initium hujus paragraphi prolatae ortum duxerunt. *HIPPOCRATES* περὶ νόσων *Lib. II. p. m. 471. seq. edit. Foësi* quinque ejus recenset species, quas inter notabilis sequens, de qua ita scribit: ἑσώθεν παρὰ τὸν χόνδρον, ἀπὸ τοῦ σκληροῦ φύετο καὶ δοκέει μὲν εἶναι κρεας. Ἦν δὲ ψάυσῃς αὐτῆς, ψυφείει οἷον λίθος; quæ polypi autem species inventu admodum rara est.

§. IV.

Aliis quoque in corporis partibus & interioribus & exterioribus, præter jam recensitas, has enarratas nasci posse excrescentias multipedes, nullus dubito. Quod verò rarissime, imò fere nullæ, earum occurrant Observationes, partim fit ob quorundam Practicorum negligentiam, partim ob stolidam hominum opinionem, quæ inspectionem cadaverum difficilem reddit, partimque etiam ob occasionis defectum. Ruri enim haud rarò singulares atque rari deprehenduntur effectus, quorum autem paucissimi ad veri & rationalis Medici notitiam perveniunt, sed ex relatione postmodum, ægris jamjam defunctis, innotescunt.

SECTIO II.

Polyporum in genere, in specie verò præsentis, subjectum exhibens, ejusve structuram delineans.

§. I.

AD polyporum subjectum illud nunc declaraturi, primum pergimus, præcipue cum id maxime scitu sit necessarium, quo, & de modo remedia

dia rite applicandi, nisi quædam ἀδυναμία forte obitet, & prognosi, quæ ubique sola fere Medicum admirabilem reddit, recte formandi, certi sumus. Cum autem varium hoc sit, ut ex § 3. *Section I.* jamjam patet, nunc meninges cerebri, nares, aliasque corporis partes, constituent, missis his, in præsentem tantum circa nostri polypi subjectum in hæsiōis, œsophagum nempe, occupati erimus, ejusve hac occasione structuram ad interius asserenda, ex hoc paulo accuratius intelligenda & explicanda, enodatam delineatamque dabimus.

§. II

Prius vero quam hoc faciamus, œsophagi denominationis rationem reddere juvabit. Est autem œsophagus vox composita ex verbo οἶω, ἔσσω, *fero, porto*, & Φάγω, *edo*; ut itavi hujus compositionis ὁ οἰσόφαγος, locum qui cibum excipit, vel potius instrumentum, quod alimenta alio deportat, denotet. Alimenta enim ab ore & faucibus excepta, fistula hæc cibalis, sphinctere suo per dilatationem recluso, fibrisque hujus motricibus nunc rursus arcte sese constringentibus, ulterius ad ventriculum ablegat.

§. III.

Ratione itaque originis gulæ, de situ ejus atque progressu, notandum venit, quod initium illa suum in faucibus sumat, ubi in sensu strictiori Pharyngis gaudet nomine. Ab hac enim, utpote cui continua, posticæ & membranacæ trachææ parti connata, ad hujus & colli vertebrarum superiorum vel quatuor thoracis, quibus insidet, tractum, recta deorsum tendit, ad quintam verò thoracis vertebram perventus, aortæ descendenti cedens, non nihil dextrorsum, & ad vertebrarum nonam cum eadem laevorsum denuo reflectit, eandemque transcendens, (*) ad diaphragma, thoracem & abdomen dividens, pervenit, quo ab ipsa in parte inferiore seu musculosa perforato, nervis ab octavo seu pari vago oriundis, nonnullis concomitata, abdomen ingreditur, demumque cum ventriculo intime unitur. Quo vero munis suis rite defungi queat, provide summum Numen, necessariis ipsam ad hæc decenter obeunda, instruxit requisitis. Qua propter debi-

(*) Unde clare satis patet, cur nonnulli corpore vehementer concalescente, & sanguine quasi fervente, hausto potu frigido, interdum in rigorem incidunt, ut plurimum postea in febrem hecticam & putridam abeuntem. Vulgus ait: Die Leber ist geschüppet worden.

debitam ipsi non solum amplitudinem sed & virtutem sese nunc dilatandi, nunc constringendi, nec non sufficientem glandularum, serum ad vias lubricandas plorantium copiam, alimentorum recte ad ventriculum perforandorum in gratiam, suppeditavit. Requisita autem jamjam allata sunt musculi, vasa atque tunicae, e quibus via hac conflata conspicitur, ut in ejus jam paulo specialius evolvenda mirabili videbimus constructione, ad quam absque ullo ulteriori verborum nos nunc conferamus anfractu.

§. IV.

Primum pervenimus ad fauces, quæ omne id comprehendunt spatium, radici linguae ac gulæ quod interpositum est, quodque alias Pharyngis seu Principii Oesophagi condecoratur nomine, siquidem superius gulæ seu oesophagi caput non nisi muscularis faucium esse videtur membrana. Licet autem haud omnino collapsa deprehendatur pharynx, cum eam os thyroideum, quo aër absque ullo impedimento respirationis tempore per os naresve in fistulam spiritaalem irruere, atque ex iisdem per eandem viam rursus exprimi queat, distentam fervet atque expansam; magis tamen eodem deglutitionis tempore adhuc amplior redditur atque dilatatur. Quem in finem duo præcipue musculorum paria faucibus sunt inserta, quorum prius *stylopharyngeum*, alterum *cephalopharyngeum*, appellatur, e quibus illud ex radice processus styloidei, carneo, eoque tenui, exoritur principio, atque oblique descendendo lateribus glandulosæ faucium membranæ inseritur hoc vero ea parte, ubi cervicis caput primæ jungitur vertebræ, enatum descendendo in elatiorem pharyngis partem implantatur. Musculis hisce principium versus contractis necessario fauces redduntur capaciores, aptioresque ad alimenta eo felicius excipienda evadunt. Hinc iis nimium inflammatis atque contractis, cum hic alimentorum ex ore ad gulam transitus sit interceptus, difficillime, imo pessime, deglutitionis negotium procedere observamus.

§. V.

Perventis sic ex ore ad fauces alimentis, & ad deglutitionem a dentibus atque saliva præparatis, non diu hic moram neant, sed statim à contractivo pharyngis motu in angustum fistulæ cibalis canalem exprimunt cui motui non tantum *Oesophagus* seu gulæ sphincter, sed etiam *pterygo-*

ryngæi inserviunt muscoli, qui principio lato gracilius ac carneo ex ambo-
 bus pterigoideis processibus atque radice linguæ, nec non etiam partibus
 ossis hyoidei extremis enascuntur, atque carneis fibris semi circularibus ex-
 currunt, quæ & supernam & posticam tunicæ glandulosæ pharyngis partem
 ambientes, in media quasi linea concurrunt, in quam etiam omnino inse-
 runtur. Ad horum musculorum munus quod attinet, in eo consistit, quo
 fauces ad alimentorum in gulam expressionem promovendam coarctent,
 eoque simul tempore amygdalas reliquasque glandulas iis substratas ad feri
 sui intus contenti emissionem constringant, ut alimenta eo facilius citius-
 que ad ventriculum demandari queant. Tandem adhuc *œsophagus* seu gu-
 læ sphincter considerandus restat, qui non nisi musculorum jam nominato-
 rum continuatio esse videtur: uti enim hi elatiorem, ita ille est contrario
 inferiorem, pharyngis complectitur partem, atque ex utroque cartilaginis
 ericoideæ latere carneis enascitur fibris, quæ simili postea modo ad posti-
 cam pharyngis lineam protensæ in eadem terminantur, ut adeo iis contra-
 ctis alimenta necessario in adnatum canalem, gulam nempe, expellantur.
 Nonnulli adhuc plures eorum numerant, ut *VALSALVA*, natione Italus,
 qui in *Tract. suo de Aure humana*, sequentia musculorum recenset paria, ea-
 demque æri incisa exhibet, nempe 1.) *staphylo-pharyngeum*, olim pro
 cephalo-pharyngæo habito; 2.) *glossopharyngeum*, olim sphænopharyngæ-
 um nuncupatum; 3.) *stylopharyngeum*; 4.) *hyo-pharyngeum*; 5.) *thyro-*
pharyngeum; & denique 6.) *crico-pharyngeum*. Verum enim vero, ad su-
 pra recensitorum principia & insertiones diligenter respicienti observatori
 perfacile patebit, horum multiplicationem præter ullam necessitatem
 fuisse factam.

§. VI.

Explicatis nunc faucium atque oesophagi musculis ulterius ad gulæ
 vasa, substantiam ejus percurrentia, atque tunicas, e quibus hæc degluti-
 tionis organa composita comparent, progredimur, ubi primum notamus,
 duplicis vasa esse generis, adducentia nempe atque reducentia. Ad hæc
 venæ pertinent ac vasa lymphatica; ad illa arteriæ & nervi. Ad arterias,
 sanguinem in nutritionis gratiam adducentes, quod attinet, ista in collo à
carotidibus, in thorace ab *intercostalibus*, nonnunquam etiam *bronchiali Ruy-*
schiana, & in abdomine à *coronariis*, suam ducunt originem. Nervi, qui-
 bus gula gaudet, motus & sensus causa spiritus animales, tertiam corporis

humani partem essentialem, *Ψυχὴν* nempe, constituentes, adducentes, *parietæ* seu *vago* suas debent natales. Vena, sanguinem superfluum reducentes, vasisque majoribus iterum infundentes, similiter in collo *jugularibus*, in thorace *azygo* seu *vena sine pari*, & in abdomine *coronariis*, inseruntur. Ad vasa lymphatica harum partium quod spectat, de iis nihil afferre possumus, cum eorum existentia, de qua tamen haud dubitari potest, nondum fuerit demonstrata atque detecta.

§. VII.

Vasa ulterius excipiunt tunica, quarum nonnulli Anatomicorum *tres*, nonnulli *quatuor*, nonnulli etiam, ut *VERHEYEN* in *Anatom. Tract. III. cap. 10. p. 289*, *quinque* statuunt, quarum *prima*, eaque extrema, mera est membranacea, oesophago non tantum investiendo, sed eidem partibus vicinis alligando, inserviens. Cum vero interdum fibris perquam exilibus nerveis prædita conspiciatur, à non nemine inde *membranofo-nervea* quoque dicitur. Altera, quæ huic subjacet, *carnoso-musculosa* appellatur, atque ex duplici fibrarum serie, longitudinalium nempe, ac circularium sive rectius spirali-um, componitur, quam duplicem fibrarum seriem *WILLISIUS* in *Pharmaceut. Ration. s. Diatr. de Medicam. Operat. in Humano Corpore P. I. Sect. I. cap. 2. p. m. 7.* equidem admittens, ratione vero earum progressionis ab aliis dissentiens, unam earum adscendere, alteram vero descendere, asserit; quarum hanc ad deglutitionem, illam autem ad vomitionem, facere contendit. At enim vero recte de hac opinione Willisiana Dn. *TAVRY* in *Anat. sua Nova Ration. Illustr. edit. Lat. p. 18.* hunc in modum scribit: *Cum impossibile sit præcise determinare, quanam istarum serierum adscendat, quanam descendat, cumque utriusque seriei fibræ easdem adhesiones s. connexiones eandemque configurationem obtineant, cognosci non potest, an diversis inserviant usibus, nec ne? In homine serierum una ex fibris longitudinalibus, altera ex circularibus, contexta est.*

§. IIX.

Tertia, quæ *vasculosa* nomen gerit, ex fibris irregularibus innumeri que vasculis laxè conflata est, siquidem infinira penè vascula oesophagi pre-reptant substantiam. Eam quod concernit, quantum ad me attinet, superfluum ac præter necessitatem ab Anatomicis exsculptam iudico. Quæ enim nescit, omnes corporis partes permultis instructas esse omnis generis musculis, quorum e vario progressu & concursu paulo latiori ac compre-

fiori si semper novam effingere vellemus tunicam, multis in partibus ea reliquis adhuc adjicienda foret. Videmus v. g. hoc in oculi structura mirabili, cujus tunicæ conjunctivæ, album oculi constituenti, insignis vasculorum sanguiferorum superinjecta apparet copia, tunc demum sub visum cadentium, quando oculos inflammatos ruboreque insigni perfusos conspiciamus. Quis vero ideo hæc vascula, longe lateque tunicam hanc adnatam pervadentia, pro nova vellet vendicare membrana, atque peculiari. Sed hæc ὡς ἐν τῷ ποδῷ. *Verheyenii* vasculosam *quarta* nunc excipit, glandulosa nempe, quæ membranam quandam, ex fibris secundum fistulæ cibalis longitudinem excurrentibus constructam, & hinc inde glandulis copiose conspersam, *l. a. pag. 291.* designat, ut adeo hujus tunicæ ministerio gula serum ejusdem lubricationi inserviens, conficiat. Huic demum adnataprehenditur *quinta*, quæ *tendinea* est, ut alias vocatur, & ex fibris secundum longitudinem exporrectis coalescit, cujus superficies crusta villosa, lanugine quandam investita, observatur.

§. IX.

Ex his hæctenus adductis atque expositis dilucide satis apparet, quo officio fungatur oesophagus, qua structura eaque mira ac subtili gaudeat, & quæquæ mala, viâ hæc læsâ, inde oriantur. Sic & deglutitionis & respirationis negotium pessime procedere, ægrumve maxime mortis in articulo tunc temporis constitutum videmus, quando oesophagi latera, quod quidem raro fit, coalescunt, quale triste admodum exemplum clarissimus *VERHEYEN l. a. 296*, & *BONETUS Medic. Septentr. P. I. p. 504.* adducunt; Vel quando hæc alimentorum via paralyti laborat, de qua *WILLISIUS l. a.* ita scribit; *Novi quosdam ob paralytin in hac oesophagi tunica carnea excitatam, deglutitionis magna difficultate laborasse, aliasque, ob fibras penitus resolutas, fame interuisse.* Vid. etiam *BOENETUS l. c. p. 500*; Vel quando fauces atque gula, ut in hysteriis non raro observamus, spasmodica corripiuntur contractione, adeo, ut ægrotantes de corpore quodam gulam ingresso, quod ex opinione plebeja uterus existimatur, Die Mutter wäre ihnen in den Hals gestiegen, conquerantur, sæpeque suffocationis inde incurrant periculum; Vel quando fauces atque oesophagus, ut in *angina* fieri observamus, gravi afficiuntur inflammatione; Vel quando glandulæ, juxta quintam thoracis vertebra oesophago accumbentes, nimis intumescunt, eamque viam valde coangustant, & ad deglutitionis negotium perficiendum ineptum reddunt, quales

caſus nonnullos ſe obſervaffe teſtatur (*DIEMERBROECK Opp. Lib. II. cap. 16. p. m. 326*, ita ſcribens: *Ha glandula nonnunquam ab humorum influxu ita intumefcunt, ut nimium comprimant & anguſtum reddant œſophagum, ſicque potui & cibo, omnique alimento, tranſitum præcludant, hominemque fame & ſiti enecent, quales tres quatuorve in Praxi noſtra occurrentes vidimus caſus.*

§. X.

Licet vero œſophagus vel coalitus, vel inflammatione correptus, vel paralyticus, vel penitus reſolutus, vel ſpasmoticus, vel a glandularum intumefcentia compreſſus, vel tunica ſua ſpoliatus, vid. *BARTHOLINI Aſtor. Hafniens. Volum. I. Obſervat. 119. p. 212, & Volum. III. Obſervat. 30. pag. 62. ſeqv.*; vel plane cartilagineus, vid. *Bonetus l. a. p. 504*, fuerit obſervatus: ſimile tamen exemplum, quale noſtrum, vix ac ne vix quidem reperiſſas, dignum ideo iudicatum, cuius memoria eruditos inter retineretur.

SECTIO III.

Generatim polyporum, in ſpecie verò præſentis, cauſas remotas & proximās exponens.

§. I.

Omnes polyporum cauſas hic recensere occasionales, res non ſolum eſſe nimis proluxa & ab instituto noſtro aliena, ſed quoque difficilis, cum earum numerus prope ſit infinitus. Nunc enim polypo occasionem ſubmiſtrat vel cauſa interna, vel externa; ad quam priorem pravæ ſanguinis qualitates; ad poſteriorem vero variæ injuriæ externæ, v. g. contuſio, hæmorrhagia, frictio, & ſic porro, pertinent. Sic de polypo à contuſione innatibus excitato videri poteſt *Job van Meeckern Obſervat. Chirurg. XI & XIII*; a frequenti hæmorrhagia narium & catarrhis acrioribus, *Mich. ETTMULLERUS Tomo Opp. II. pag. 862*; a narium frictione frequenti & forti *KERCKRINGII Spicileg. Anatom. Obſervat. XIV*. Sic porro polypus cordis ab humoribus v. ſcidis, glutinoſis in ſanguine hoſpitantibus, qui facile a ſupervenien-

te terrore, haustu potus frigidi, tempore æstatis corpore calente, generari possunt, oriri potest. Hoc enim modo gelatinosæ sangvinis partes atque fibrosæ in grumos abire solent, qui in cordis auriculis ventriculisque compressi, per quos una cum sanguine quia transire commode non valent, in ejusmodi corpus grumosum atque fibrosum radices postea figens, & a continuo appellente sanguine incrementum capiens, successive coalescunt. Alio tempore polypus cordis ab acido in sanguine hærente, nec non etiam a moerore similibusque animi pathematis, experientia *Michael. Bernh. VALENTINI in Pandect. Medico-Legalib. supra allegatis*; verbo: ab omnibus istis rebus ac causis, sanguinem solito viscidiorum glutinosioremque reddentibus, spiritusve animales absumentibus, excitatur.

§. II.

Ad occasionem itaque præsentis Casus quod attinet, duplicem in nostro subjecto considerandam habemus, quarum una est cacochymica corporis constitutio, altera pulveris sternutatorii abusus, qua occasione, antequam longius progrediamur, de pulveris hujus sternutatorii denominatione, præparatione, natura ac principiis, cum id à re nostra non alienum videatur, in præsentem non nihil afferemus. Vocatur hic Pulvis sternutatorius a Patria, ubi primum confectus fuit, Hispanicus, vulgò Spaniol, cujus præparationis modum Dn. D. *THEBESIUS in Tract. vom Rauch- und Schnupff-Taback cap. VI. pag. 62.* sequentem esse ait: Die Spanier machen ihn auf eine andere Art (paulo enim ante de Italicorum eum conficiendi modo locutus erat) allwo sie einen guten Brasilianischen Taback nehmen, und in einen geheizten Zimmer sehr starck trocknen, daß er sich mit denen Händen leicht zerreiben läffet: Diesen also wohl getrocknet, thun sie in zwey von klarer Leinwand gefertigte Säckgen, welche ein eigener Mann, der sich die Augen, Nase und Mund, mit einem besondern Instrument vermachtet und verwahret hat, (*) in einem andern Gemache starck zusammen rütteln und stossen muß, daß ein solches zartes Pulver, unter der Gestalt eines Rauchs, durch das dünne Tuch heraus fliehet, welches in dem ganzen Zimmer sich allenthalben ansetzet, so gesammlet und zum Gebrauch verwahret wird. Dieses Pulver ist so zarte, als immermehr ein Staub-Meel seyn kan, und wird von seinem Vaterlande, wo es zubereitet wird, Spaniol genennet. Eine andere Sorte wird

C 3

uns

(*) De incommodis & morbis eorum, qui hunc pulverem præparant, vid. Clariss. *RAMAZZINI Tract. de Morbis Artific. cap. 17. p. m. 114. seqq.*

uns aus Portugall überbracht, so nicht allzu klar ist, und zugleich aus der rothgelben Farbe in die grüne fällt. Es wird auch von den Portugiesen zugerichtet aus den Blättern des besten Virginischen und Brasilianischen Tabacks, so zuvor in Rosen-Wasser geweicht sind / daß die allzu starcke Schärffe etwas ausgezogen und gemindert werde, hernach werden solche wiederum getrocknet, und auf die nächst-begehme Art zu Pulver gemacht. Hæc ille habetenus. Pulvis hic ultimus est optimus, cum non adeo volatilis, nec etiam tam acris, ac prior, observatur, cujus, alterius nempe speciei, usum ego dissuaderem, præcipue cum haud amplius genuinus, sed admodum adulteratus, variisque, ut percepi, liquoribus, vetustus inprimis & vapidus, infestus ad nos deferatur.

§. III.

Imo, cum insignis & perquam copiosus pulveris hujus usus nostræ terræ incolas istius præparationem per speciem quandam molarum manubriis instructarum, vulgo Hand-Mühlen, quoque docuerit, dici profecto non potest, quantam adulterationem quantamque depravationem execrabilis auri sacra fames atque habendi cupido huic adjecerit pulveri. Compertum enim ipsemet multoties habeo, ut ab aliis etiam relatum accepi, istius confectores omnes quisquillas, omnes petiolos situ correptos, foliaque deperdita, simul conterere, inque pulverem convertere. Quæ inde igitur nor exoriantur, proh dolor! gravia mala, eaque haud vero tristia! Usus genuini laudem, crimen abusus, habet. Modum itaque excedentes, propter virulentiam narcoticam & stupefactivam adeoque perniciosam, gravissimam atque desperata sæpius incurrunt mala, qvalia exempla adducunt JACOBUS VI, Rex Angliæ, in pecul. *Tractatu, Misocapni* nomen gerente, WILHELMUS Pharmaceut. *Ration. P. 1. Section. VII. cap. III. p. m. 200*, Johann. Chrysostomus MAGNENUS in eleganti *Exercit. de Tabaco Exercit. IIX. §. 1. pag. 105. & 109*, Sin PAVLI in *Commentar. de Usu & Abusu Tabaci & herba Thee p. m. 6. seq.*, MICHAEL ETMULLERUS *Colleg. Pharmaceut. in Schræderi Pharmacop. Medico-Chym., I. Sect. Class. I. Tom. Opp. I. pag. 614 - 616. edit Westphal.*, GREMBSIUS *Arbor. Integra & Ruin. Homin. Lib. III. Cap. I. §. 37*, Adrian. SPIGELIUS in *Corpor. Humani Fabrica Lib. VII. cap. 2. p. m. 243*, THEBESIUS in *Tract. supra alleg. p. 6. seqq.*, ESTIENNE & LIBAULTIUS *de l'Agriculture p. 187*. Hinc oleum Tabaci perniciosissimum venenum est: Sicut Florentiæ in Italia prostat oleum Tabaci destillatum, quod pro atrocissimo veneno habetur. Ibidem reci

unt Tabacum vino maceratum, huic intrudunt acum, eamque ita madidam infigunt animalibus quibuscunque, quæ mox ab ictu pereunt. Paucae certe olei destillati Tabaci guttulæ quodvis animal enecant; si enim recipitur hoc oleum, in quo particulæ Tabaci omnes concentratæ, ejusque gutta unica linguæ felis vel canis similique animali instilletur, ea statim exinde redduntur rabida, ac tandem moriuntur: item si filum oleo hoc destillato illitum & intoxicatum gallis aut gallinis similibusque cum acu per coxam, aut carnem in pedibus, traducatur, exinde mox intereunt. Si in vulnus gutta unica immittitur, statim interficit, cujus quædam exempla a Celeberrimo D. *Michaele Ettmullero in Colleg. quodam Pharmaceut. manuscripto*, ab illustribus *Academ. Nat. Curios.* Socio nostro D. *Westphalo* benevole mihi communicato, ex *Rhedi Experim. Indic.* allegantur. Interne quoque gutta unica olei hujus assumpta miras præcordiorum angustias, vertigines ac scotomias, inducit, experientia jam laudati *Ettmülleri*. Porro nec viperæ aliique serpentes Tabacum ferre possunt; si enim circa spinam tantillo vini, oleo hujus destillato imprægnati, adsparguntur, intereunt; imo si Tabaci fumus serpenti aut viperæ affletur, mox intoxicatæ stupent & mortuæ quasi jacent. Conf. sæpe laudatus *ETTMULLERUS in Colleg. manuscr. allegato*, *RHEDI Experim. circa Res ex India allat. pag. 10, 40. seqq.*, & *L' EMERY Cours Chimici P. II. cap. XIV. p. m. 602*, ubi simul *p. 604.* refert, oleum hujus destillatum, facta incisione cutis in coxa aut crure canis, mediante turundâ imbuta immissum, eundem cum impetu supra & infra purgasse, utut alias animal robustissimum: quod etiam ex Tabaci foliis clysteribus ad unciam dimidiam incoctis sæpe observavit *supra allegatus Academ. Naturæ Curios. Socius noster*, restantibus *Literis Ejus Familiaribus*: sicut pariter *ETTMULLERUS in Colleg. Pharmaceut. ad Schræderum Tom. Opp. I. p. 615. edit. Westphal.* in Praxi expertus est, Clyisma ex decocto Tabaci paratum corpus mire turbasse, ac convulsiones, sudores frigidos, maximaque male alia, induxisse. Unde probe notanda, quæ Poeta Italus habet;

molto Bacco e Tabacco uccide un huomo.

§. IV.

Gravia igitur ob detrimenta a pulveris hujus abusu excitata quibusdam olim in regionibus usus Tabaci sub utriusque forma a summo Magistratu admodum severe fuit prohibitus. Sic Dn. *OLEARIUS in Itin. suo Moscovit. & Persico Lib. III. cap. 6. p. m. 197 & cap. 19. p. 269.* scribit: Moscoviæ Im-

Imperatorem, ob insignem utriusque Tabaci abusum, anno 1634. Mandato publico prohibuisse, ut ne quis ditioni suæ & provinciis subiectus Tabacum inferret, vel in iis Tabaco uteretur, secus autem qui facturum esset, & Mandato non pariturus, ei non solum paratissimam certo fore fustigationis aut virgarum poenam, sed & quoque alarum nasi bifidam sectionem. Cujus infamiae nota affectorum aliquot sibi suisque in itinere obvia factorum exempla noster testatur auctor: quam gravem eandem animadversionem in Mandati Regii Persici transgressores idem *Lib. V. cap. 31. p. 648.* annotat. Tabaci quoque usum subditis suis aliisque omni modo disvasisse *JACOBUM VI.*, Magnæ Britanniae Regem, legimus, qui suo in *Tract. supra §. III.* allegato, asserente *KESTNERO in Disputat. de Jure Tabaci §. 3.*, sequens promulgavit Edictum: *Tandem, ô Cives! si quis pudor, rem insanam abjicite, ortam ex ignominia, receptam errore, frequentatam stultitia; unde & Numinis accenditur ira, corporis sanitas atteritur, res familiaris arroditur, dignitas gentis senescit domi, vilescit foris: Rem visu turpem, olfactu insuavem, cerebrum noxiam, pulmonibus damnosam: & si dicere liceat, atri fuminebulis tartareos vapores proxime representantem.* Alii hoc Edictum non de usu, sed de cultura Tabaci intelligunt: Vid. *Histor. Orbis Terrar. Geograph. & Civit.*, Francofurti ad Oderam anno 1673 edita, *cap. 3. §. 4.* ubi: *Tabaci culturam in Agr. Glocestrensis non minori cum successu tentarunt, sed Edictis Regiis quanquam agere tracti sunt, quod metueretur, ne, si in ipsa Anglia institueretur, Colonia Americana inde detrimentum caperent.* Sed hæc *ὡς ἐν τῷ ποδῷ*, cum heic non tam de fumigatione Tabaci, quam potius de pulverisati nimia per nares attritione, differamus.

§. V.

Hæc enim adeo his temporibus increvit, ut in consuetudinem plane bierit, nec amplius remedii loco pulvis hic habeatur. Hinc in salutatum officio & magnifico prandiorum atque coenarum apparatu, magni aliquod omissum videtur, nisi isto quoque tempore multoties pyxide nubeburnea, nunc e testudinis marinae scuto formata, nunc argentea, in auribus gemmisque splendidis condecorata, ut & imagine intus, plerumque sciva & turpi, exornata, singulari quodam cum corporis motu verborumque circuitu, producta aliisque oblata, nares perpetuo hoc pulvere vexent, atque insigni sternutationis strepitu, futilis hujus pulveris prodatur inspectio, nescientes interea hujus perversæ consuetudinis amatores, eam & c.

tra decorum & munditiei leges esse, nares, cloacarum facies repræsentantes, gerere. Imo, legibus sanitatis pessimum hunc morem e Gallia ad nos aliasque regiones profectum adversari, nemo ferè credit, sed elegantia putatur ad Gallorum etiam hac in re vivere mentem. De qua stulta imitatione *BARCLAJUS* quoque in *Icon. Animor. cap. III. p. 89. edit. Buchner.* ita scribit: *Vicinae autem aliaeque etiam gentes ridiculo errore deceptæ ad illorum quoque mores, perearundem vestium ac metuum variam imitationem, putant accedere: ignorare, leporis & gratie virtute in nonnullis hominibus uno genio cuncta placere; in aliis autem, in quibus natura ad hos mutabiles habitus propitia non est, ejusdem venustatis imitationem & curam ingrata esse ac ludicram.* Immensam hanc sternutatorii pulveris libidinem non tantum Cives quam plurimos oppidanos, sed ipsos etiam pagorum rusticos, tam nostræ quam exterarum regionum gentis, mirifice electari, nasque picâ vexari, conventus nuptiales, cauponarii &c. quotidie fere testantur: quod quadraginta jam abhinc annis de Curlandiæ rusticis observavit Ducis Wurtembergici Archiater meritisissimus, Academiæ nostræ sæpius laudatæ Socius *Nunquam Otiosus*, Dn. D. *Lentilius*, in *Ephemer. Anno . . . Decur. II. Append. pag. 131.* tabacino hoc pulvere minus, quam ipso pane, cære potentibus. *Salutationis*, pergit Vir Excellentissimus, *quædam apud ipsos species, dum rustico rusticus sit obviam, ut Nicotiana suam quisque thecam sibi visum offerant, quod ni fiat, incivile prorsus habetur.* Quis non cum *HORATIO* *pist. XIX. Lib. I. versu 19. p. m. 245.* jure meritoque exclamet: O imitatores, servum pecus! Arrigite igitur aures, quæ *SENECA*, homo Gentilis, de *Vita Beati. Lib. I. p. m. 652.* his verbis ait: *Nihil magis præstandum est, quam ne perorum ritu sequamur antecedentium gregem, pergentes non quæ eundem est, sed quæ iter: Atqui nulla res nos majoribus malis implicat, quam quod ad rumorem componitur: optima ratio, quæ magno assensu recepta sunt, quorum exempla nobis multant; nec ad rationem, sed ad similitudinem, vivimus.* Inde ista tanta coaccervatio libarum super alios ruentium &c. Verum, eo hodie perventum est, ut omnes vere virtutes veræ exulent, tantasque inter alia prava hæc consuetudo, & satietati & bonis moribus adversa, radices egerit, ut homines non amplius, ut dictum fuit, ad rationem, sed ad similitudinem, vivant. Denn es werden, ut zu Tage allerhand Dinge, sie mögen auch noch so abgeschmackt heraus kommen, als sie nur immer wollen, vor eine galanterie geachtet, worunter die mit Schnupff-Taback bestreueten Nasen/ billig mit oben anzustehen verdienen. Optandum vero esset, quo corruptum hunc morem ad mundi genium se componentes tantum colerent; Verum enim vero, ut lues epidemica pe-

D

flilen-

stilenti suo habitu promiscue homines afflat & inficit, ita & hæc prava consuetudo istos, qui modesti tamen & pii, vanitatesque mundi ex toto ejurasse videri cupiunt, tacite quoque corrumpit. Sic enim hodie quandoque unum alterumve in sacra cathedra stantem, ac de bonis moribus ex ista ad populum sermonem facientem, avide ex sua pyxide juxta se posita, bonam hujus pulveris partem digitis prehendere, naresque eo ad auditorum risum scandalumque conspurcare, & mihi & aliis observare licuit. Opus profecto hinc foret, publico mandato turpem hunc coercere morem, uti sub initia superioris seculi id factum legimus, cujus clarissimus *THEBESIUS l. c.* his meminisse verbis: hier fällt mir ein, was ich einsmahls gelesen, daß die Priester in Spanien denselben sich so starck angewöhnet, daß sie auch so gar bey administration des heil. Abendmahls und bey der Messe sich dessen bedienenet, weßwege auch zu Anfang des vorigen seculi Pabst Urbanus IX, auf Ansuchen des Decani und des Capituli der Haupt-Kirchen Seville, eine Bulle ergehen lassen worinnen Er alle, die ins künfftige in der Kirchen Schnupff-Taback gebräuchen würden, in den Bann gethan. Hæc ille.

§. VI.

Occasione Sternutationis quæstio, scitu omnibus necessaria, occurrit sternutantibus precetur salus, osque simul signetur cruce? Initium consuetudinis hujus superstitiæ ante Aristotelem, & sic diu ante Christi natiuitatem, apud Ethnicos incrementum sumfisse, testatur *Strabo p. 438*, si quidem & Ethnici a sternutamentis auguria capere soliti fuerunt, cujus etiam *Aristoteles, Theocritus, Aristanctus, Petronius, Plinius, Robert Knoxius in Ceylanisch Reise-Beschreib. Lib. III. cap. I. p. 134*, aliique quam plurimi meminerunt, quam ideo *Ammianus & Augustinus* repudiarunt, imo ipse *CICERO de Divinat. Lib. II.* his verbis: *Quæ si observamus, & pedis offensio nobis, & corrigiaruptio, & sternutamenta, observanda.* Apud Romanos quidem sternutatio lim inter minima erat omina; at apud Græcos ominis maximi habebatur, divinitatis enim quiddam contineri augurabantur, unde non solum certum observabant tempus, sed & latus, ubi sternutatio fieret: hæc ad sinistrum tus avertabantur; meridianæ faustæ habebantur, maxime si a latere dextro; matutinæ vero infastæ, unde *PROPERTIUS Eleg. 3. Lib. II:*

*Nunc tibi nascenti primis (mea vita) diebus
Aridus argutum sternuit omen amor.*

Vid. del RIO in *Disquisit. Magicar. Lib. III. P. II. Quæst. IV. Sect. IV. p. m. 454.* Antiquis nimirum his Ethnicis caput sacrum habebatur, hinc Veteres Hebræi ac Græci per caput jurabant, ac sternutamentum capite editum, tanquam Deum adorabant, teste *Xenophonte de Athen. Republ. § de Rebus Græcor., CASALBONO Animadv. in Athen. Lib. II. cap. 25.* Formulæ eorum erat: Ζεὺ σῶσ' ἵων! *JUPITER SERVA!* cui votum nobis consuetum respondet: *PROSIT!* Gott helffe! Sicut etiam a Græcis sternutantes genu flexo salutabantur, teste *Athenæo.* Ritus hic a Veteribus, qui sternutationem a periculosa cerebri commotione oriri credebant, continuabatur, hinc sternutantibus salutem precabantur, ne apoplexia aut alio periculoso cerebri affectu corriperentur: quamplurimis enim Sternutatio audit Apoplexia parva, vel Epilepsia quædam levis, ut jam olim *AVICENNÆ Lib. III. fen. V. Tract. II. cap. 3,* cui postea aditipularunt *RIO LANUS Particul. Meth. cap 17, UNZERUS de Epileps. Lib. I.* plurimique alii. Et quidem tum maxime cum sternutarent, per sternutamenta animam expulisse credebant, unde consuetudo hæc superstitiosa ortum duxit, ut sternutantes salvere jubeantur, dicendo: *SALUS!* vel *PROSIT SALUTI!* Ritus hic sternutantibus bene precandi continuavit per omnes fere nationes, etiam Regnum Turcicum, ut ad sternutationes epilepticorum similiumque capitis affectuum, ut & grassantibus morbis malignis pestilentialibus similibusque epidemicis contagiosis infectorum, aut caput denudent, aut corpus inclinent, & sternutantes consuetâ hæc formula salutent: *DEUS Te adjuvet!* Gott helffe dir! Similis sternutationis malignæ contagiosæ in famosa illa Atheniensium peste grassantis mentionem facit *THUCYDIDES de Bello Peloponnes. §. 131. pag. 108,* item *Polydor. VIRGILIUS de Invent. Rerum Lib. VI. cap. 2. p. 454,* qua omnes, qui aliquoties sternutassent, paulo post extincti sunt; quod etiam confirmatur ab *Hieron. CARDANO in Hippocrat. aphorism. 47. Libri V. p. 559,* & *DIERMBROECKIO de Peste cap. 5. p. 18,* item *Lib. IV. Histor. 18. de Peste Neomageni anno 1635 grassante,* qua durante neminem sæpius sternutantium convaluisse observavit. Videatur etiam *PIENS de Febr. p. 485, Guil. DURANDUS in Ration. Divinor. Officior. p. m. 152,* & *Carol. SIGONIUS Histor. de Regno Ital. Lib. I,* qui quidem hunc salutandi morem a Gregorii Magni Pontificis tempore deducit, cui autem *STRADA Prælus. Academ. Lib. III. Protest. 4. de Pistori suburbano,* & *Cornel. STALPARTUS van der Wiel Obs. Rarior. Centur. II. Part. Prior. Observ. VI. p. 50,* contradicunt. Ipsam historiam morbi hujus epidemici pestilentialis, quo anno 588, tempore Gregorii Magni, Pontificis Ro-

mani, homines infecti sternutando obierunt, ex *Chronico* quodam *Coldicensi* manuscripto supra laudatus Dn. D. *Westphalus* nuperrime mihi communicavit sequentibus verbis: Anno 579 wurde König Sigebertus im Lager vor Tornay erstoehen, darauf kömmet Childebertus ans Regiment. Bey seiner Zeit Anno 588. entstunden erschrecklichen Ungewitter, und grausame Wassergluthen, darauff erfolgte eine erbärmliche Seuche und Pestilenz in allen Landen, daran viele Millionen Menschen hinsturben; so balde ein Mensch anfang zu niesen, war keine Rettung bey ihnen, darumb sagte man zu ihm: Gott helffe nun dir! Dieses erschrecklichen Sterbens halber ordnete der Pabst zu Rom Gregorius Magnus die Litaney an, unter welcher zu Rom, in einer Kirchen, ehe solche ausgesungen worden, 80. Personen, die gesund zum Anfang des Gesangs kömmen waren, unter wählenden Niesen hinfielen und starben. Potius ergo credendum, ritum hunc a Gentilium auguriis partim, partim erronea veterum opinione, qua sternutationem ab apoplexia, epilepsia, aliaque periculosa cerebri & totius capitis sacra commotione, suam traxisse originem. E contra Medici Parisienses, ac hodiernum nostræ gentis mulierculæ visitantes, bonum omen optimumque reconvalescentiæ signum habent, quando ægri sternutare incipiunt, quod illis alias, ob virium defectum denegatur, unde vulgatum illud apud nos & Gallos ortum duxit: *Sternutavit, salva jam res est!* Vid. *Misant. BRIO SILLIS in Epistol. p. 204.* Nimirum sternutatio critica omnino salutaris est, & aut futuram hæmorrhagiam, aut morbi saltem resolutionem, indicat. Salutare quoque signum est in morbis ferosis s. phlegmaticis, ac soporosis, nec non in suffocatione hysterica, & materiæ morbificæ in cerebro resolutionem & translationem indicat. In partu quoque difficili conducit, quatenus totum abdomen, & universum fœtus systema nervosum, fortiter concutit, adeoque in musculis abdominis contum excitat, & partum promover. Conf. *Hippocrates Sect. V. Aphor. 35, & p. 36. Academ. Nat. Curios. Ann. III. Decur. I. Observat. 138. p. m. 217.* Verum in morbis acutis, malignis, pestiferis &c. sine criseos indicibus, & cum symptomatibus aliis gravioribus, copiosior, frequentior & violentior, lethalis est, indicat enim causæ morbificantis malignæ nimiam volatilitatem, acrimoniam, generi nervoso statim insidiantes, unde etiam affectus epileptici similique convulsivi, & in ætate grandævi apoplectici, paralytici &c. subsequuntur. Minus quoque convenit in vulneribus & ulceribus capitis, affectibus oculorum, pulmonum, in specie in phthisi, cum convulsione tanta fœtum pantur ulcera, dilatentur vulnera, commoveatur & lædatur nervus opticus cum tunica retina, unde cæcitas sæpe oriri solet.

§. VII.

Sed missis his, ad pulveris sternutatorii Hispanici hæcenus descripti abusum revertendum, qui, (utut alias, si bonitatis ejus, quantitatis moderatæ, temporis adhibendi ac temperamentorum, justa habeatur ratio, neutiquam plane rejiciendus est ac contemnendus) præsentis nostri Casus mera fuit causa occasionalis, neutiquam tamen ægri constitutione cacochymica exclusa, quæ obstetricis sustinuit partes, quo eo facilius œsophagi tunicas lædere atque erodere valuerit pulveris acrimonia. Proxima polypi nostri causa, ut ex supra dictis pater, & ex ulterius dicendis intelligi poterit, tunicarum, inprimis glandulosæ, fuit corrosio, humorumque inde excitatus affluxus. Facta enim hac læsione particulæ sanguinis viscidæ atque gelatinosæ, extra sua vascula delatæ, primum in fibrillas, deinde successive in ejusmodi excreverunt corpus carnosum, quod postea ob continuo accedens nutrimentum, adauctum fuit, & in suo incremento & descensu inferiora versus, hederæ ad instar arboreæ radices novas tunicis œsophageis infixit, per quas novum ipsi accessit nutrimentum. Simili modo ac opilionum & aurigarum canes veterani sæpe rauci fieri solent, dum, equos oviumque greges per æstatem torridam sequentes, varios terræ pulveres copiose inspirant, qui tam laryngi, quam pulmonibus & asperæ arteriæ ramificationibus, impacti & cum lymphæ aliisque nutritiis succis in partibus glandulosis, horumque vasis compacti, tumores duros & tactui renitentes constituere, imo & sæpissime acres laryngis tunicam valde sensibilem, vasaque sanguinea & lymphatica, corrodere solent.

SECTIO IV.

Phænomena quædam nonnullasque Circumstantias atque Quæstiones sistens.

Phænom. I.

Fuit vir hic temperamento sanguineo-phlegmatico, corporisque mole at notabili, ad cacochymiam tamen valde proclivi præditus.

II.

Copiosissime assumpsit pulverem hunc sternutatorium.

III.

Corpore aliquando concalescente, naresque hoc pulvere, eoque siccissimo, replevit, fortiterque eum inspiravit, quo factum fuit, ut non solum ad fauces, & oesophagum usque istum, penetrare observavit; &

IV.

Statim dolorem urentem, tussim frequentem sputumque cruentum, senserit.

V.

Temporis spatio quodam effluxo dolor, tussis & sputum cruentum, cessarunt, deglutitio autem sensim difficilior reddita fuit.

VI.

Causa hujus affectus a Medico & Medicaastro, rejecta probabiliori, enarrata, habita fuit copiosa materia pituitosa nimis viscida, sed inepte.

VII.

Æger remediis prioribus incassum adhibitis, alii cuidam Medico affectum hunc ejusque causam, sibi probabilem, refert, quæ vero iterum rejicitur, & in, nescio quod, acidum sylvestre commutatur.

VIII.

Medicamenta rursus nullum edunt effectum salutarem.

IX.

Deserit æger Medicos, seque naturæ ac tempori, ut ajunt, committit, foreque sperat, ut sponte suâ iterum hoc malum abeat.

X.

Adhibet penicillum ventriculi, vulgo die Magen-Börste.

XI.

Hujus applicationem equidem difficilem sentit, minus tamen dolorosam, penetrationem vero in stomachum usque, ob quoddam obstaculum plane impeditam.

XII.

Educitur hujus ope insignis equidem pituitæ, non nihilque simul cruoris, absque ullo tamen levamine.

XIII.

Ab usu hujus penicilli faucium deglutitio, antea adhuc liberior, nunc difficilior, animadvertitur, ita, ut non multo post solidiora alimenta non amplius assumere valeat, sed ad liquida tantum confugere opus habeat, quæ, cum malum in dies increpescens, rursus libere deglutire nequit, sed leniter ea per calamum stramineum absorbere cogitur.

XIV,

Paulo liberius absorpta cum sonitu regurgitant, præsentaneumque ægro minantur suffocationem.

XV.

Tandem, ob plenariam liquidorum, etiam valde tenuium deglutitionem prohibitam, fame sitique æger fractus, ac sceleti cute tantum obducti faciem referens, misere moritur.

XVI.

Aperitur cadaver, œsophagusque ad latus dextrum nonnihil contortus, superiora autem versus solito tenuior, gracilior acuminatiorque, conspicitur.

XVII.

Ipsa œsophagi in faucibus apertura non nihil durior contracta & ita exigua apparet, quo vix pisum admittat vulgare.

XIX.

Gula incisa, media ejus in parte, excrefcentia vermiformis sat notabilis per medium divisa, radicibus nonnullis brevibus substantiæ atque tunicis œsophagæis infixis, conspectui se offert.

XIX.

Circa initium hujus polypi rarioris materia, sanguinis grumosi ad faciem nonnihil accedens, deprehenditur.

XX.

Substantia ejus adeo mollis erat, ut levi etiam digitorum tactui cederet, colore ceterum gaudebat ex rubicundo pallido.

Quæstio I.

An malum hoc fuerit hæreditarium, ut quædam voluerunt?

Quæstio II.

Annon in principio affectui huic medela afferri, ejusque incrementum impediri, potuisset?

Quæst. III.

Annon jam inveteratus hic polypus destrui atque auferri potuisset?

SECTIO VI.

Resolutionem & Responfionem ha-
tenus prolatam tradens.

I.

Circa temperamenti nomen, definitionem atque divisionem, de qua materia, cum permulta jam extent scripta, primoque statim intuitu, quid per istud & quale heic intelligatur, eluceat, non inorabimur; nec eorum quoque novatorum litem, qui nobilem temperamentorum doctrinam omni, at vano, conatu evertere atque ex orbe erudito præscribere laborant, nostrum in præfenti faciemus: sed brevitatis causa ad Dissertationem infra allegatam remittimus. (*) His itaque missis, ad asserti probationem nos accingimus, ubi diximus; virum hunc *temperamento* fuisse præditum *sanguineo-phlegmatico*. Nemo autem hic arbitretur, ob adjectum sanguini phlegma, temperamentorum numerum me credere quaternarium; cum eum ternarium tantum esse existimem, variis ex rationibus, tam sacris quam physicis, aliisque demonstrabilem. *Temperamentum* vero, vulgo *Phlegmaticum* quod dicitur, peculiare non est, sed corruptum saltem, cum ad sanguineum pertineat, quod plerumque, accedente vita atque inordinata ac prava diæta, in hoc degenerare solet, quanquam etiam non negem, ex utero quoque materno prodire interdum phlegmaticos, nostram hypothesein qui aliquomodo possent vacillantem reddere; verum enim vero res omnis in vado versatur, est & manet phlegmaticum temperamentum corruptum, qualis enim parentum constitutio, talis quoque spermatis natura deprehenditur; sed hæc materia alio tempore paulo curatius forte fuerit examinanda. Sanguineum autem in nostro subjecto valde cacoethymico primum adhuc obtinuisse locum, actiones non tantum in vita morales, sed & corporis sat notabilis moles, qua sanguinei ut plurimum, præsertim vitam tranquilliores degentes, gaudent, nec non habitus aliæque circumstantiæ demonstrarunt quæ corporis constitutio autem, ob superius dicta, vitæ genus nempe inordinatum diætamque juxta sex res non-naturales perversam, quo vitio ple-

(*) Vid. M. GREGORII *dissertat. de Temperam. Scriptorib. Novi Testamenti*, ubi in Proëm. hæc controversia pertractata legitur.

umque caupones laborare solent, admodum fuit depravata, colorque & habitus antea vividus & laudabilis, in pallidum nunc atque oedematofum aspectum mutatus, actusque morales multo tardiores nunc facti fuerunt observari. Quibus ex causis hæc corporis constitutio nullo alio, quam sanguineo-phlegmatici temperamenti titulo, condecorari potuit debuitque.

II.

De pulveris sternutatorii hujus nomine &c. *Scd. III. §. 3.* jamjam fuit actum, nunc paucis istius in principia inquiremus, quo planior ejus fiant natura seu temperies operandique modus. Ad partes itaque constitutivas huius quod attinet, odor non solum gravis & sapor acris de sulphure & sale volatili testantur; sed etiam analysis chymica clare satis ista, imo plura adhuc, demonstret. Comperimus enim insigni hunc pulverem 1.) olei foetidi ac sulphuris impuri & narcotici; 2.) salis admodum acris alcalicæ naturæ; & 3.) phlegmatis acidi, præditum esse quantitate, qua ex compositione facile patet, quanta pro temperamentorum diversitate immoderatus atque insanius ejus abusus procreare valeat incommoda. Hoc autem probe notandum, quod partes hæc constitutivæ non semper in una eademque reperiantur copia, sed earum mixtura, nunc ratione vetustatis, nunc ratione solitudo ac climatis, nunc etiam ratione præparationis, diversa deprehendatur. Ex quibus causa reddi potest, cur interdum operationes in uno eodemque subiecto huic adsveto tam diversæ observentur, quamquam & temperamentorum diversitas non excludenda veniat. Sic enim v. g. *salis volatilis*, ut ex experimentis chymicis institutis didici, major copia, quam *olei & sulphuris narcotici*, elicitur; alio tempore plus *phlegmatis acidi*, quam *salis & sulphuris*, sicque porro, deprehenditur. Ut plurimum autem ille pulvis, qui in nostris terris præparatur, aut adulteratur, multum acidi; ille vero, qui vere ex Hispania ad nos fertur, multum sulphuris & salis volatilis acrioris, in se continet, semperque acerrimus animadvertitur, quod ex præparatione clarum est, dum folia non ad Italorum & Portugallorum laudabilem temperantur modum sed statim absque ulla correctione conteruntur, inque pulverem convertuntur.

III.

Ex quotidiana Observatione notum est, quod pulvis hic nimis exsiccatus, multo vehementius nares earumque interiora afficiat altiusque penetret. Veritati hoc esse conforme, multa probatione non indiget, modo quis ad majorem h. m. partim volatilitatem pulveris, partim etiam ad pororum re-

laxationem, quæ in corpore vel motu vel alia causa calefacto contingit, attendere velit. Quomodo vere ad fauces, imo ad gulam usque, fuerit delatus, per facile est intellectu, qui enim quantitatem assumptam, & nasi structuram internam, intelligit, possibilitatem statim videt. Forti namque a celeri facta inspiratione, qua præcipue hujus pulveris amatores delectantur, denn darinne soll eine sonderliche delicateſſe ſtecken, cum impetu iste per narium meatum ad oris & gulæ fundum porrectum, eo fuit compulsus, quod affertur quilibet, de ejus veritate dubitans, in se experiri potest. Confirmat etiam istud Dn. D. BOHNIIUS, atque Dn. D. THERESIUS, quorum prior *Tract. de Offic. Medici duplici Clinico atque Forensi* p. 200. ita scribit: *Nec, qui Nicotiana pulvis sine sternutatione & insensibiliter magis errhini nomine vim suam exercit, omni culpa vacat; cum ejus notabilem semper portionem, nobis non advertentibus in inspiratione per nares facta, ad laryngem & pulmones cum aëre deflectere, probabile sit* alter vero in *Tract. supra cit. p. 65. seqq.* sequentem in modum differit: *Dieses aber thut vornehmlich der Spaniol, als welcher so sehr subtil, daß er wegen seiner Leichtigkeit biß in die Lufft-Röhre gehet, und indem er so scharff ist, den gleichen effectus verursachet; & ulterius: Ingleichen haben ihn diejenige zu meiden, so an der Lungensucht laboriren, weil er durch die Nase gezogen durch das runde Loch bey der Nase im Kopffe in dem Halse, und in oder wenigstens an die Lufft-Röhre gehet, und daselbst diese empfindliche Orte irritirt und grossen Husten verursachet.*

IV.

Hoc phænomenon antecedentis veritatem confirmat, cum immediata post copiosam assumptionem, dolor in gula urens, tussis frequens, atque sanguinis sputum, fuerunt exorta, manifesto argumento, pulverem hunc eo usque penetrasse, ibique hos excitasse effectus. Modus perscrutatus haud difficilis, modo quis pulveris naturam supra explicatam, individui nostri constitutionem cacochymicam, & a calore relaxationem, perpendat consideretque; magnum etiam ejus portionem ad oesophagum una cum saliva mul inter deglutiendum delatam fuisse, non adeo improbabile videtur.

V.

Ex hoc & antecedente phænomeno clare satis patet, pulverem hunc genuinam polypi nostri extitisse causam, eumque hoc tempore suum summi initium. Quam primum enim caro ejusmodi luxurians enascitur, ut plurimum dolor cessat, indolensque ejusmodi observatur excreſcentia.

VI.

VI. & VII.

Quot capita, tot sensus, dicitur vulgo, & quidem verissime. Unde vero haec discrepantia? Unde hic inter Medicos dissensus? Audiamus celeberrimum *STAHLIUM* in *Programm. de Dissensu Medicor*: Si jam hoc malum, dissensus nempe mutui, inquit, causa & origo non magis, quam objecti & affectuum dignitas consideretur, fieri non potest, quin, pensata medicina & artis fundamentis, quæ experientia & arte absolvuntur, quasi sponte resultet, dissentientes illos aut plane falsa in simulatione inter se mutuo certare: aut rationis, vel experientiae, expertes esse, utrosque aut alterutrum ad minimum. Sicut enim non semper succedit, ut inter duas contrarias sententias alterutra sit vera, quando videlicet tota relatio, circa medium nempe objectum, circa quod versari debet, non recte instituta est: ita fieri certe subinde potest, ut neutra sibi mutuo oppositarum sententiarum sit vera, sed vel media quaedam potius locum habeat, vel si oppositæ illæ a tramite suo oberraverunt, nempe debitum verum respectum ad suum objectum non retinuerunt, plane illa, quam hac via, querenda sit veritas. Hæc ille. In præsentem autem casu nullum hæcenus medentium rem acu, quod ajunt, tetigisse, inde est, quod neuter ihalum debite examinarit, inque circumstantias rite inquisiverit, sed suæ tantum opinionioni fictæ fidem adhibuerit. Hinc ingens, ulterius *l. c.* ait *STAHLIUS*, experientiae scandalum, & ab omni ævo probabile est, illa & rationis & circumspeditionis experimentalis aliquando inopia, aliquando quoque inadvertentia, ut bonus etiam eventus, licet manifesto laboriosus, & quod sane commiseratione dignum est, tanto magis ipsos laboriosiores, communiter suæ arti imputare gestiant medici, & talibus rebus experientias suas formare aut fovere. Unde, paulo post pergit, profecto nihil familiarius est, quam ut illi, qui nullo rationis aut experientiae laboriosiore apparatu abnixas, eoque ipso mira facilitate ipsis commendabiles visas suas methodos & positiones illis, quæ aliter sese habent, non solum apud se ipsos anteferre soleant; sed etiam quæcumque, non magis data, quam arrepta, occasione illas diversas in seclavi, & tam rebus quam hominibus, apud imperitos contemptum moliri. Hi, si meliorum illorum patientia tandem vim faciant, & defectum propriorum suorum placitorum demonstrationes extendant, quid possunt inde expectare, quam sui quoque circa talia existimationis detrimentum. Quare fit, ut sicuti illi alios apud imperitam plebem, ita se ipsos apud imperitorum cohortem, contemptui exponant: adeoque tandem utrinque non tam solum personarum amplius, sed & ipsius artis ludibrium, radices agat. Hi sunt demum vinctus illi foetidi atque virulenti, quos multorum inconsideratus atque irrationalis proferit Medicorum dissensus atque imperitia, quod sane quam vehementer est dolendum.

II X.

Hoc non mirum, cum causa genuina non fuerit perscrutata, qua alias recte detecta atque remota, nisi *adjuvantia* occurrat, medicamenta suos edundum effectus speratos, malumque removeretur atque cessat.

IX.

Ita genius hominum hodie est comparatus, ut, si non statim animadvertant aliquod levamen, extemplo Medicum priorem deferant, & vel ad alios vel ad medicastros, currant, vel plane remedia seponant, putantes, naturam optimam mali semper fore medicatricem. Quam perverse autem id fiat uberrima docet atque testatur experientia, dum sæpius h. m. non solum morbus levior in malignum degenerat, sed quoque ob intempestivam ejus modi remedium abstinentionem plerumque incurabilis evadit.

X. & XI.

Constituerat equidem æger apud se firmiter, nullum se amplius adhibiturum remedium, sed mali medicationem & ablationem a natura, cujus minister est Medicus, expectaturum: Verum consilium mutabat, aliudque in usum vocabat remedium sat barbarum ac violentum, *peniculum* nempe *ventriculi*, die Magen-Börste, de cujus structura & utendi modo in præsentem cum res sit notissima, ac paginæ angustia insuper etiam vetat, non faciam verba. Cui autem volupe est, plura de hoc instrumento legere, is *Acto Erudit. Supplem. T. V. Sect. IV. pag. 183*, binas *Dissert. Jenenses de Excit. Ventric. de Novo Instrum. Repurgator. Ventriculi*, conscriptas, nec non *Dni D. WOLFII, Phisici Dubensis, gründliche und vollständige Description der sonderbaren u. curieusen Magen-Börste*, adeat, ubi voti sui compos fiet. Causam applicationis difficilioris hujus instrumenti, denegatique ejus in stomachum ingressus, ut longis adducamus verbis, opus non est, cum ea evidens sit atque clara. Difficilis enim aditus dubio procul a constrictione & crispatura fibrarum oesophagi, ab hætenus crebra per remedia acria facta earum irritatio exorta, ortum duxit suum.

XII.

Unde copiosa materia pituitosa mediante peniculo hoc, licet non in ventriculum ingresso, originem traxerit, undeque profluxerit, intellectu ad difficile non est, modo quis ad glandularum vellicationem atque pressuram hoc instrumento factam, præcipue in hoc subiecto cacochymico, attendat. Videmus ejus rei veritatem in subiectis perfecte sanis, ubi circumforanei experimento suo vulgari, per pulverem quendam arcanum jactatum erant

num, sat notabilem viscidæ materiæ quantitatem per os ac nares educere norunt, quam operationem *Catarrhorum Extractionem*, das Fluß-Abziehen, appellitant, eamque præservationis in gratiam sequentem in modum sedulo hominibus svadent atque inculcant. Primo jubent, ut ille, educationem catarrhi putatitii desiderans, capite sedeat prono; deinde mediante stylo quodam ligneo os diducat; & tertio pulverem iactatum per nares attrahat. Hoc enim facto brevi post, ad omnium adstantium admirationem, per os atque nares notabilis viscidæ ac tenacis materiæ copia effluit, quam baculo vel virgula postmodum ejusmodi agyrtæ arripiunt, circumvolvunt, extendunt, multumque de ejus nocumento ac periculo, feliciter nunc amolito, garrire & blaterare sciunt. Quis vero prudentium ejusmodi homunicationum non videt vafritiem, non tam proximi sanitatem, quam potius ejus argentum, cupientem & anhelantem? De hac catarrhorum extractione vid. *BONETUS Medic. Septentr. P. I. p. 217*, & *Ephemer. Academ. Naturæ Curios. Ann. I. Decur. I. Observat. 34. p. 110-112*, item in *Append. ad hunc Annum p. 9 sequ.*, nec non *Ann. IX. & X. Observat. 117. p. 283*. Sed mundus vult decipi! Quilibet in se hunc seri effluxum quotidie experiri potest, dummodo methodum indigitatum observet, atque nonnihil de pulvere cujusdam vegetabilis acrioris, s. radicis *pyrethri* vel *raphani rusticani*, *euphorbii*, vel *amylæ*, (ex quibus hunc pulverem maximam partem compositum, instituto multifario ejus examine, ipsemet deprehendi) naribus imittat. Seri a. hoc modo per nares atq; os effluentis facilem egressionem non parum etiam adjuvat ductuum salivalium peroris diductionem facta apertura, muscutorum lenis pressio, proniorque capitis situs, quomodo non fieri non potest, quin majori in copia, quàm alias fieri assolet, humores effluant. *CLUSIUS & Nicol. MANARDE in Simplic. Medic. ex Novo Orbe delat.* corticis cujusdam meminit, qui pulverisatus, & naribus inditus, idem præstat, eumque ob effectum *corticem rheumaticum* vocat, eumque ita describit: *Ex Peru mihi missus est crassus quidam cortex, quem vasta ex arbore ulmo simili, cum amplitudine, tum forma, detractum ferunt: nascitur ad ripas fluminis cujusdam viginti quinque leucis a Lima distantis, nec alibi in India reperitur. Indi in capitis defluxionibus, rheumatismis, aut alioqui corporis gravitudine laborantes, hujus arboris corticem in tenuissimum pulverem comminuunt, & naribus imponunt; humores insigniter educit, qua ratione liberantur; quod verum esse ipsi experti sumus.* Hæc ille. Quod veròeducta materia adeo tenax observetur, ut extendi queat, inde est, quod corpus egressa, aerique nunc frigidi-ori exposita, particulæ calidæ ac volatiliores aufugerint, solasque gelatino-

las & salivas post se reliquerint. Cur autem noster æger, multâ licet ablata pituitâ, nullum plane senserit allevamentum, nemo miretur; causa enim mali præsentis non fuit remota, qua alias imminutâ & ablata effectus quoque imminuitur atque cessare observatur.

XIII.

Peniculi applicationem deterioris hujus conditionis veram fuisse causam, quis non intelligit atque evidenter videt? major enim fibrarum ad crispaturam jamjam aptarum irritatio, contractio atque contorsio, fuit oborta, quæ, iisdem non statim in pristinam suam sedem delatis, successive confirmata atque consolidata fuit. Unde & aliter evenire non potuerit, quam ut hac ex causa, accedente simul partium corporis contabescencia & flacciditate, & solidorum & demum liquidorum deglutitio non rite processerit, eaque sensim sensimque difficilior reddita, imo tandem planè ægro denegata, fuerit.

XIV.

Hujus phænomeni rationem clarissime exponunt *phenomena 16 & 17*. Oesophago enim contorto, principium versus solito tenuiori, graciliori, & accedente simul tam parva ejus apertura, non potuerunt non regurgitare liquores paulò liberius absorpti.

XV.

Causa hujus phænomeni plana est; qualis enim nutritio, talis corporis habitus, & vitium quoque constitutio.

XVI. & XVII.

Hic primò videmus usum insignem, quem cadaverum sectio, a nullo practicorum, præcipue occasione ad eandem instituendam affulgente, negligenda, sed omni studio atque persuasione quærenda, arti nostræ salutar præstat, cum per eum tanta detegantur, quæ & famæ & vitæ & causarum perscrutationi, & medelæ hujus vel alius mali, alio tempore egregie consilere observantur. Contorsio oesophagi ab irritatione & contractione fibrarum a remediis antea acrioribus, ad pituitam imaginariam incidendam acceptis, maxime verò à violentia peniculi, fuit excitata atque exorta. Tenuitas & gracilitas inconsueta, nec non apertura solito longe minor & durior, a fibrarum nimia in se strictura ortum duxerunt. Cujus rei veritatem in fune videmus; hujus enim fila, quo laxius sibi invicem incumbunt, et crassior ille; quo verò arctius inter se cohærent, eo etiam gracilior, tenuior atque durior, observantur.

XIIIX.

Cum polypus noster figuram habuerit vermiformem, cur non contiguus, sed per medium divisus, fuerit observatus, & undenam suas acceperit pedes, res quidem explicatu adeo facilis non est, cum ejusmodi excrecentiarum intus latentium generatio visum nostrum subterfugiat, quo itaque minus debito modo attendere queamus: interim tamen sequentem in modum ejus generationem factam fuisse, mihi concipio. Quamprimum pulvis sternutatorius per fortem inspirationem in gulam fuit delatus, eam non in uno, sed diversis in locis, (en divisionis originem!) ob tunicæ, præcipue hoc in subiecto, teneritudinem & molliem, suamque nimiam acrimoniam, statim corrosione aggressus est, unde etiam momentaneus dolor urens, tusis frequens ac molesta, læsionem adhuc multum exasperans, & denique sputum cruentum. Hanc gravem œsophagi læsionem, extemplo pulveris assumptionem insecutam, statim, ut intellectu facile est, excepit humorum viscidorum & acriorum affluxus, qui extra sua vascula delati, in coagulum pedetentim abierunt fibrilloso-carneum, quod, propter continuo ipsi ccedens nutrimentum, sensim sensimque in hanc notabilem, partim ob gulæ configurationem, partim etiam ob humores deorsum fluentes, inque suo progressu hederæ arboræ in modum radices spargentes, Stirix instar, excrevisse videtur, molem elongatam edibus donatam. Unde quoque causam videmus figuræ vermiformis, quam non parum, & probabile est, adjuvit alimentorum, licet postmodum imminuta, deglutitio. Ab his nim versus inferiora excrecentia hæc sæpius pressa effectum fuit, quo non in corpus obosum aut latum, sed longum atque teres, lumbrici crassioris faciem representans, erit commutata. Vellet quis asserere, radices nostri polypi uno eodemque tempore statim post factam multiplicem œsophagi læsionem fuisse exortas, ego ipsi non valde repugnarem, cum non adeo improbable videatur, ex læsione hac, diversis in locis facta, humores egressos, interjectis his intervallis, demum coaluisse; & sic quoque ratio aliqua, & earum ordinis & brevitatis, dari potest. Interim ita conicere liceat, donec quis probabiliora afferat.

XIX.

Materiæ cruentæ particula, quæ ad polypi caput adhæsit, unde eo devenerit, difficile scrutatu non est, modo hætenus dicta si consideremus, & *phenomenon duodecimum* accipue perpendamus.

XX.

Quod adeo mollis polypus hic fuerit observatus atque pallidus, nulla alia fuit causa, quam quod per tres, & longius ad huc, dies cadaver jacuerit, indeque postea utique aliter venire non potuerit, quam quo substantia atque color alterati mutatique fuerint.

Quæstio I, II & III.

Quæstiones hæc non protulissem, nisi extitissent, qui mihi easdem enodandas proponerent. Ne itaque & hi putent, singulare quid in re & arte fundatum se scire atque de iis ac de vero, opinari, ad eas breviter tamen, daturus sum responsionem. Ad *primam* idcirco quod spectat, respondeo negando, ideo, quod a prioribus annis usque ad initium us mali degluttonis impedimentum non perceperit, quod tamen fieri debuisset, si polypus hic hæreditarius fuisset, dubioque procul iste, cum ejusmodi excrecentiæ per se non crescant, ægrum multo citius e vita sustulisset. Exorta fuit autem inde hæc de malo hæreditario imaginario opinio, quod ex defuncti cognatis non nemo aliquando dixerit, rem & aviam demortui itidem aliquoties ex degluttonione difficili laborasse. Quis verò fundamentum admodum esse lubricum non videt? *Secundam* quod concernit, cano-æger in mentem utique revocare debuisset notissimum: Principiis obsta, sero medicina-

diana paratur. In principio enim, dolore adhuc sputoque sanguinis durante, remedium convenientium apparatus malo opponi, sicque ejus incremento apex forte poni potuisset. Tertio, quod plane hoc fuerit impossibile, quæcunque etiam fingantur instrumenta & encheirises, ἀδυναμία adfuit curandi malum. Primo enim manibus pars affecta tractari non potuit, & quis polypum hîc quæsit? deinde, si etiam hic a fede sua vi quadam instrumentali deturbatus & avulsus fuisset, quis hæmorrhagiam, quæ sine dubio hanc operationem periculosissimam fuisset insecutura, compescere, & pro symptomatibus periculosiss inde non exoriturus, vel pro non amplius futura ejus germinatione, spondere voluisset?

Sed properandum est ad finem, circa quam hac occasione varia curiosa, & Physica & Moralia, ut: Symbola, Emblemata atque Proverbia, de hocce polypo, a quo, ut supra monitum fuit, malum præsens accepisse dicitur, proferri possent. Cum vero id nimis longum foret, adeat, qui velit, *Gesnerum, Ulyss. Aldovandum, Mercklinum. Franzii Histor. Animal. Tract. III. c. 6. p. m 686. CAMERARII Emblemata PICINELLI Mundum Symbolicum, PIERII Hieroglyphica, ERASMI Adagia &c.* ubi abunde desiderium explere poterit suum. Ne tamen vero & hac in parte plane ἀσύμβολος discedam, præsens noster polypus œsophageus, vel voluptatis nocivæ, vel hominis malevoli, sub sincera amicitia larva, alterius detrimentum quærentis, imago esse potest, cum Epigraphe: *Amplectitur, ut Strangulet!* Interea Lectorem Benevolum, hætenus prolata ut æque bonique consulere velit, peramanter peto, Deoque Triuni Optimo Maximo decentissimas pro viribus concessis perfolvo grates, cui etiam,

A quo Principium rei dependet, in ipso
Principium ut operis fuerat, sic sit quoque.

ΕΠΙΜΕΤΡΑ.

I.

A sanguinis qualitate & corporis structura Temperamenta & Mores dependent,

II.

Ingeniorum diversitas a diversa cerebri fabrica ejusque constitutione proficiscitur.

III.

Medicus Moralista multo facilius feliciusque depellit morbos, quam alius hac doctrina destitutus.

IV.

Qui animam rationalem pro nulla substantia, sed mera potentia, ex organorum machinæ humanæ combinatione resultante habent, & scripturæ Sacræ & sanæ rationis contradicunt.

V.

Hypericum fugare dæmones malos, spectra, veneficas & sagas, fabulis annumerandum est anilibus.

VI.

Physiognomia non rejicienda, sed tantum a superstitione purganda est.

ERRATA.

Pag. 4. lin. 21. *dele* punctum. p. 8. l. 17 pro *materie. lege* materiæ, p. 9. l. 19. pro *Fo* lege Foëssii, item l. 24. pro *subteri* fugentia lege *subterfugientia*. p. 11. l. 4. post *Æne* *insere* punctum. p. 15. l. 5. pro hac lege hæc, p. 18. l. 30. pro *infinira* lege *infinita*, p. 19. l. 15. pro *quandam* lege *quadam*. item l. 23. post l. a. *insere* p., p. 20. l. 25. pro *natibus* le naribus, p. 22. l. 18. pro *afferemus* lege *asseremus*, p. 24. l. 16. pro *si* lege *si*.